

全唐文

卷八百十九之八百二十一

邢其夷 刀尚能 張保和 楊鉅
房鄴 張蟾 崔塗 孫珣
崔遠 薛昭緯 韋昌謀 蘇圖元
段安節 孫郇 吳融 陳敬瑄
鄭愚 程晏 李綽 裴贇
盧說 吳蛻 孟昭圖 王說
郭應圖 鄭璘 王搏 韓運
陽坤

201948



竹居狻廬

全唐文

卷一百九十八

陽郭盧韓段崔唐
仲喬施應許進郭
鮮吳程張薛張
楊姚蘇許薛姚
王李李吳李唐
韓國許杜程
韓王李陳薛
進說韓程元




竹居校書

欽定全唐文卷八百十九目錄

邢甚夷

華山詩賦對聯



唐廬州重建巢湖太姥廟記

刁尚能

唐廬州刺史

唐南康太守汝南公新叔撫州南城縣羅城記

張保和

唐南康太守

新移撫州子城記

唐撫州刺史

唐撫州羅城記

唐撫州刺史

楊鉅

唐撫州刺史

授陸宸平章事制

授王搏威勝軍節度平章事制

授韓建華州節度使制

趙凝進封南康王制

冊淑妃何氏爲皇后文

唐御史裏行虞鼎墓誌銘

房鄴

少華山佑順侯碑頌

張蟾

無爲寺記畧

崔塗

渠州冲相寺題名

孫珣

唐故清河郡張氏夫人墓誌銘

崔遠

授涇州節度使張璉檢校司徒同平章事制

授蘇文建邠州節度使制

薛昭緯

廢德明四廟議

韋昌謀

靈應廟記

蘇圖元

崔令尹頌德記

欽定全唐文卷八百十九

邢甚夷

甚夷守濠州文學後爲館驛巡官

唐廬州重建巢湖太姥廟記

太姥神廟於巢湖邊久矣其靈跡所自陰騭之功傳於人間斯不復序無何中和中爲行寇所燼其屋壁竹樹無孑遺焉時以國創中興日不暇給雖人懷敬尚而孰能葺修故靈儀殿庭備位而已合肥數年前嘗爲鄰郡所覬我軍設備營於柘塘陰有所關亟戰未利士因怠鬪咸思迴戈

今太守尚書時九苞未彰隱於將領亭午之際惛然寐酣忽夢覩粧人連掣其袂比及寤已見披堅輩盡飾歸裝公由是傳刃以過之號令以壯之翌交鋒乃有享獲公記覩粧者卽太姥神向非夢來幾致師潰尋祝曰苟終垂祐當營祠而酬爾後以伐叛摧兇不虛其歲汲汲於追奔逐北豈暇於掇日興功文德初淮南節度畱後兼行軍司馬宏農公司空酬公前功奏以知郡有詔宜依龍紀元年秋七月大梁淮南兩道連帥東平王沛國公中令以公能理奏請止授其年十月綸誥至公乃減費聚俸將踐願言故匠

得良工材獲異木不日不月懋功就焉觀乎駕瓦攬空虹
梁用壯妙臻土木美極丹青旣竭精誠悉合制度君子咸
謂公心匠宏贍信誓端慤無負於神祇焉公之理民也以
仁明其統衆也以嚴正遠聲色以律下屏讒佞以清心屯
甲士護封疆不黷武放肆積金穀備支費無潤屋覬覦嘗
欣祿已及親每患政未及物其懲惡也雖親戚腹心無所
隱其賞善也雖樵漁牧圉無所遺其待士也雖襁褓龍鍾
無不延其聽訟也雖衆惑羣疑無不辯加以推忠向國盡
力酬知視榮華如浮雲以功業爲己任則不知古之良

千石相去幾何故得寇輩每來棄甲遐遁農經二稔賡歌
有年商貨駿奔鄺易霧塞民之遂性如大駕未遊前且昔
在昇平未易致此況今多事不亦難乎哉甚夷宦遊求知
蒙待不次旣覩盛事其可無言因請刊貞珉紀不朽希數
千年後知廬江有賢太守也時龍紀元年己酉十一月十
一日己亥記

刁尚能

尚能官太常奉禮郎

唐南康太守汝南公新剏撫州南城縣羅城記

撫州屬縣南城則古之緊邑也漢高祖六年會將軍灌嬰
襲滅項籍之後割豫章南境分立爲縣以飛猿南豐二源
合派又以西崗土貴勢強而肇其址也以其城在洪州府
城之南故曰南城其後厯於晉宋雖興亡而則多唯斯邑
而不滅至吳太平二年始立臨川郡以隸南城而屬之焉
管一十三鄉周巡六百里林奇谷秀則鶴嶺牛山無以加
水遶川環則洞庭陂澤不足比人繁土沃桑耕有秋學富
文清取舍無悞旣狀周道兼貫魯風萬戶魚鱗實謂名邑
暨乎咸通初襍狂螫不賓嘯聚而來犯我郊坻國師旣舉

斯邑舟車通濟令以轉輸雖則民勞功業未墾及至乾符
之歲水旱不常或波蕩林邱或塵揚沼沚蝗螟敗害歲力
凋虛教勸不從寇藪斯舉天反其度地亦爲妖火旣燎原
鯨潛鼓鬣生靈浸敝宸睿是憂非朝典之不施乃俗暴而
難整遂使敵震郊野禍作蕭牆縱陳湯網以籠羅或有弄
戈而怙亂是以皇都失禦玉輦蒙塵旣乖華封之仁爭起
有苗之叛近茲崑澤乘時寇興皆拋順靜之規各振縱橫
之志猶賴寶祚延遠百工得人於是有我常侍武銳孫吳
文英廉藺心韜杜庫性蘊班籌乃召我兵共征不諛因得

名重於臨淄將帥威過於屬部諸侯奪劍一呼強梗淪伏
緝綏撫甚疆境帖然郡縣如初鄉關法舊次命文德之臣
繼總兵師克復咸京巨盜旣平採訪忠讜謂以汝南公道
存修已信在佐君端雅聲彰溫亮言顯成紀綱之範爲經
濟之箴慶匹豐泰之期清諧中和之樂糾其政化奉以昭
蘇旌德業以分憂錫賢能而封秩乃皆寵渥爲南康太守
焉時以麾幢未行邊鄙猶擾乃召諸將而謂曰凡征伐卷
舒在乎人意戡難輔時在乎人機今以烽燧尚興祲氛未
息因觀聖人作易而有豫防雖同鶴以擇林亦慮蠱而有

毒宜得營壘備其梟鴟乃遣行教布令不日萬人公乃指
畫規模勻其版築悅而不勞寬而得衆齊心似一樂運如
流不越二旬其功告畢周回一十三里闊一丈六尺高二
雉露屋一千一百三十間敵樓三十三所東西鑿八門南
北二門門則通衢焉於是崇墉截漢昆陽不足以爲堅峭
崿凌雲金城不足以爲壯控五嶺封疆之要扞七州寇徼
之虞覬覦者不得動其心眦睚者無以運其智可以拒鸛
鵝之陳可以拔烏合之徒內則軌轍齊驅堪敷權畧外則
民人側目愕以堅勞護吾君租稅之封授黎庶安居之業

得此名曰克全大寧爲今辰定難之基是岳牧勲庸之績
可謂能高異代善亞先賢象偕魯北以利民憂入晉陽而
翦敵以尚能茂修片善命述宏圖才雖匪於英華事得銘
於雄麗刊於燕石以紀殊功時以大順三年龍集辛亥三
月四日記

張保和

保和大順時人

新移撫州子城記

八卦成列象在其中聖人則之剛柔險易動靜悠促亦皆

備矣是則金木水火輪移消長乾坤震巽羅列高下揆情
僞至於化匠稽微闡極於大成蓋有有無不有矣物物無
不物矣至如舉一趨百制邇應遠者有夫光宅焉宅天下
者崑雒之強歟宅邦邑者岡阜之勝歟宅間巷者隆坦之
宜歟自穴居至於大壯猶椎輪形於玉輅其必如此按撫
之郡庭初際於亥壬綿歷年代寶應中太守王公圓以其
勢卑於郵里疑悍民而沮長因徙於西陲自爾亦匪厥中
觀夫用壯而非剛虛右而擁左總詳其朕則二千石列郡
比比有不大遷者是其事矣大中中刺史蔡公京審於三

地思事再革以勞費滋廣意行力止乾符中巨盜起梁宋
兵火照天下干戈日用屠薙鋒起畿甸失禦郡邑曠守斯
時也豺狼塞路瓦礫遮轍此之官舍棄如焚如荆蒿蒙春
井野一色洎汝南危公奮長劍倡義旅併翦羣惡克莅百
城草剋碁布紐隳績斷詔下之日默究形勝且曰幼少嘗
聞前任遺議今也運會萃吾指陳大凡元亨中正會要方
乘宜拔乎高高麾震揖吳朝辛附癸在控於躍伏苟差毫
髮其致懸殊爾乃決意卜築應手經始舍去舊地推移一
區而勝秀逸得嚴整鬱備納溪山複疊之勢吐原野蟠連